

REGLUGERÐ VIÐ LÖG SAMTAKA UM KVENNALISTA

I Landssamtökin

1. Framkvæmdanefnd skal skipuð minnst 5 konum, einni úr hverjum anga sem kosnar eru á félagsfundum anganna til 6 mánaða í senn. Ef angarnir eru færri en 5 tilnefnir fjölmennasti anginn aðra konu, ef enn vantar konu skipar næststærsti anginn fulltrúa og síðan koll af kolli uns fullskipað er. Auk þess skal sitja í nefndinni ein kona úr framkvæmdanefnd hvers anga. Ekki skulu konur sitja lengur í framkvæmdanefnd en eitt ár í senn.
2. Á félagsfundum í hverjum anga skal kjósa konu í framkvæmdanefnd landssamtakanna og eina til vara. Að 6 mánuðum liðnum taki vara-fulltrúi sæti aðalfulltrúa og verði þá kosinn nýr varafulltrúi. Ný framkvæmdanefnd skal taka til starfa strax eftir landsfund.
3. A.m.k. ein þingkona skal sitja framkvæmdarnefndarfundum, en telst ekki einn af fulltrúum.
4. Framkvæmdanefnd skipti með sér verkum á eftirfarandi hátt:
 - a) Tilnefni eina konu sem situr þingráðsfundi a.m.k. til tveggja mánaða í senn.
 - b) Tilnefni eina konu í ákveðinn tíma sem skipuleggur fundi nefndarinnar og sér um að ákvörðunum hennar sé framfylgt.
 - c) Tilnefni eina konu sem hefur umsjón með fjármálum Kvennalistans.
5. Hlutverk framkvæmdanefndar er m.a. að:
 - a) Tilnefna konur í fjölmiðla *Öll fulltrúahlutverk og*
 - b) Tilnefna konur í opinberar nefndir. (Allar nefndir) á vegum Kvennalistans skulu auglýsta í fréttabréfum anganna.
 - c) Hafa yfirumsjón með fjármálum Kvennalistans.
 - d) Skipuleggja stórfundi og ráðstefnur
 - e) (Sjá til þess að) bakhópar starfi og skipuleggja nýja hópa *Hvelja*
 - f) Sjá til þess að erlendum bréfum og fjölmiðlum sé svarað.

II Útgáfumál

6. Innan Kvennalistans skal starfa útgáfunefnd skipuð minnst einni konu úr hverjum anga, sem kosin er á félagsfundum til 6 mánaða í senn.

III Þingráð

7. Þingráð skipa þingkonur og varaþingkonur Kvennalistans, ein kona úr framkvæmdanefnd landssamtakanna, ein kona úr framkvæmdanefnd hvers anga. Auk þeirra sitja í þingráði ein kona úr hverjum bakhóp
8. Þingráð starfar í samræmi við stefnuskrá Kvennalistans og stefnu-yfirlýsingu landsfundar. Þingráð skal vera stefnumótandi og ráðgefandi í einstökum málum. *→ jafnframt*
9. Bakhópar skulu starfa í einstökum málaflökkum og koma með tillögur um stefnumótun til þingráðs.
10. Þingráðsfundir skulu haldnir tvisvar í mánuði og oftast ef þörf krefur. Þingkonur skulu kalla saman og undirbúa þingráðsfundi.

IV Angar

11. Framkvæmdanefnd skal starfa innan hvers anga. Hún hefur yfirumsjón með öllu starfi angans og annast fjármál hans. Nefndin skipti með sér störfum en tilnefni eina konu í þingráð og eina konu í framkvæmdanefnd Kvennalistans. Að öðru leyti móta þær starfshætti sína. Framkvæmdanefnd skal kosin á félagsfundum.
12. Á félagsfundum í hverjum anga skal kjósa konu í framkvæmdanefnd landssamtakanna. Sjá nánar í gr.2 í reglug.

V Starfsmaður-Húsnæði

13. Framkvæmdanefnd Kvennalistans ráði sér konu til starfa. Starfsmaður sjái um að framkvæma ákvarðanir framkvæmdanefndar, sem ekki er vísað annað.
14. Kvennalistinn hafi húsnæði til afnota fyrir starfsmann, þar sem sími er staðsettur. Húsnæði þetta skal vera miðstöð Kvennalistans.
15. Rekstur húsnæðis, laun starfsmanns og annar sameiginlegur kostnaður greiðist af öngum í samræmi við félagatölu þeirra.

IV Almenn ákvæði

16. Til þess að breyta reglugerð þessari þarf meirihluta atkvæða á félagsfundum í öllum öngum. *Þe margar lögmark*

Gjört í Reykjavík 15. október 1983

Kristín Einarsdóttir (sign.)
Kristín Jónsdóttir (sign.)
Margrét Bjarnadóttir (sign.)
Sigrún Jónsdóttir (sign.)

LÖG SAMTAKA UM KVENNALISTA

- 1.gr. Heiti Samtakanna er Samtök um Kvennalista. Hér eftir nefnd Kvennalistinn. Lögheimili og varnarþing er í Reykjavík.
- 2.gr. Markmið samtakanna er að:
- a) auka áhrif kvenna í samfélaginu
 - b) vekja umræðu um stöðu kvenna
 - c) stuðla að því að viskuforði og reynsla kvenna verði nýtt í þágu betra þjóðfélags
 - d) berjast fyrir heimi þar sem konur, karlar og börn standa jafnt að vígi, þar sem menning beggja kynja fær að njóta sín og kynferði hindrar engan í að sinna þeim störfum sem hugur stendur til
 - e) standa að baki fulltrúa Kvennalistans.
- 3.gr. Markmiðum þessum hyggst Kvennalistinn ná m.a. með því að bjóða fram til Alþingis.
- 4.gr. Kvennalistinn er opin og öllum sem styðja markmið hans, enda greiði þeir félagsgjöld.
- 5.gr. Innan Kvennalistans starfa angar. Lögheimili og varnarþing þeirra eru kjördæmin.
- 6.gr. Landssamtök Kvennalistans skulu hafa framkvæmdanefnd sem skipuð er konum úr öllum öngum.
- 7.gr. *Hönduð er áður en er niðurbúið?*
Eðsta vald Kvennalistans er í höndum landsfundar. Á milli landsfunda skal það vera í höndum framkvæmdanefndar Landsamtakanna og þingráðs.
- 8.gr. Félagsfundir anganna kjósi tvo fulltrúa í landsfundarnefnd eigi síðar en 3 mánuðum fyrir landsfund. Landsfundarnefnd skal undirbúa og ákveða dagskrá landsfundar í samráði við framkvæmdanefnd Kvennalistans.
- 9.gr. Landsfund skal halda fyrir 15.nóvember ár hvert. Einnig skal halda landsfund sé þess óskað af 1/3 hluta félaga.
- 10.gr. Landsfund skal boða bréfléga með minnst tveggja vikna fyrirvara. Heimild til setu á landsfundi hafa allar félagskonur.
- 11.gr. Reikningsár skal vera frá 1.október til 30.september. Endurskoðaðir reikningar Kvennalistans skulu lagðir fram á landsfundi, einnig fjárhagsáætlun fyrir næsta ár.
- 12.gr. Landsfundur skal kjósa tvo endurskoðendur Landssamtakanna sem starfa fram að næsta landsfundi.
- X 13.gr. Í atkvæðagreiðslu á landsfundi ræður einfaldur meirihluti fundarmanna. *Hve margir lögmannar?*
- X (14.gr. Innan Kvennalistans skal starfa útgáfunefnd skipuð minnst einni konu úr hverjum anga.)
- 15.gr. Innan Kvennalistans skal starfa þingráð sem er ráðgefandi og stefnumótandi. *Hver skipar þing og lögning?*
- 16.gr. Framkvæmdanefnd skal starfa innan hvers anga.
- 17.gr. Til þess að breyta lögum þessum þarf 2/3 hluta atkvæða á landsfundi.
- 18.gr. Lög þessi skulu endurskoðuð að ári.

Lög þessi öðlast gildi á landsfundi Kvennalistans október 1983.

*Flokkurinn
félagsfundur.*